



অবিলম্বে প্রকাশের উদ্দেশ্যে: 2/27/2022

গভর্নর ক্যাথি হোকল

2 মার্চ থেকে শুরু করে স্কুলগুলোতে মাস্ক পরিধানের জন্য স্টেটের তরফ থেকে জারিকৃত বাধ্যবাধকতা উঠিয়ে নেয়ার পরিকল্পনা সম্পর্কে গভর্নর হোকলের ঘোষণা

### গভর্নরের প্রেজেন্টেশন দেখুন [এখানে](#)

গভর্নর ক্যাথি হোকল আজ 2 মার্চ, 2022 তারিখ থেকে শুরু করে স্কুলগুলোতে মাস্ক পরিধানের জন্য স্টেটের তরফ থেকে জারিকৃত বাধ্যবাধকতা উঠিয়ে নেয়ার পরিকল্পনা ঘোষণা করেছেন। কোভিড-19 সংক্রান্ত ডাটার বেশ কিছু প্রবণতা বিশ্লেষণ এবং স্বাস্থ্য ও শিক্ষা খাতের বিশেষজ্ঞদের পাশাপাশি বাবা-মা, শিক্ষক ও স্কুল অ্যাডমিনিস্ট্রেটরদের সাথে পরামর্শ করার পরে গভর্নর এই সিদ্ধান্ত নিয়েছেন। কমিউনিটিগুলোতে ঝুঁকি ও সংক্রমণের স্তর নির্ণয়ের জন্য CDC কর্তৃক ব্যবহৃত মেট্রিকগুলোর সাম্প্রতিক পরিবর্তনের পরে এই ঘোষণা প্রদান করা হচ্ছে। অন্যান্য প্রশমনমূলক পদক্ষেপ বহাল থাকবে।

"আরো বেশি সংখ্যক নিউ ইয়র্কবাসী টিকা গ্রহণ করতে থাকায়, এবং গত কয়েক সপ্তাহে ওমিক্রনে আক্রান্ত হওয়া ও হাসপাতালে ভর্তি হওয়ার সংখ্যা ক্রমশ কমতে থাকায়, আমরা এখন এই মহামারীর একটি নতুন ধাপে প্রবেশ করতে যাচ্ছি। যেহেতু নিউ ইয়র্কবাসীরা এগিয়ে এসেছেন, আমরা আত্মবিশ্বাসের সঙ্গে আমাদের স্কুলগুলোতে স্টেটব্যাপী মাস্ক পরিধানের বাধ্যবাধকতা উঠিয়ে নিতে পারি," **বলেছেন গভর্নর হোকল।** "এটি আমাদের শিশুদের ও কমিউনিটিগুলোর জন্য সামনের দিকে একটি বৃহৎ পদক্ষেপ এবং আমাদের সবাইকে নিরাপদ রাখার জন্য শিক্ষার্থীদের, শিক্ষকদের ও বাবা-মায়েদের নিবেদিত প্রচেষ্টার জন্য আমি কৃতজ্ঞ—আপনাদের কঠোর পরিশ্রমের কারণেই আমরা এই মাইলফলকে পৌঁছাতে সক্ষম হয়েছি।"

কোভিড-19 এর বিরুদ্ধে লড়াইয়ে নিউ ইয়র্ক উল্লেখযোগ্য অগ্রগতি অর্জন করেছে। বৃহৎ স্টেটগুলোর মধ্যে নিউ ইয়র্কে প্রাপ্তবয়স্কদের কোভিড-19 এর জন্য পুরোপুরিভাবে টিকাপ্রাপ্ত হওয়ার হার সর্বোচ্চ, কিশোর-কিশোরীদের কোভিড-19 এর জন্য পুরোপুরিভাবে টিকাপ্রাপ্ত হওয়ার হার সর্বোচ্চ, এবং 5-11 বছর বয়সীদের জন্য পুরোপুরিভাবে টিকাপ্রাপ্ত হওয়ার হার দ্বিতীয় সর্বোচ্চ। ওমিক্রন সংক্রমণ শীর্ষে পৌঁছানোর পর থেকে নিউ ইয়র্ক স্টেটে কোভিড-19 আক্রান্তের সংখ্যা প্রায় 98 শতাংশ কমে গেছে, এবং একটানা 51 দিন ধরে আক্রান্তের সংখ্যা কমতে দেখা যাচ্ছে।

শিশুদের মধ্যে কোভিড পজিটিভ হওয়ার সংখ্যা এতটা কমে এসেছে যা শিক্ষার্থীদের গ্রীষ্মের ছুটি থেকে ফিরে আসার আগে থেকে আর দেখা যায়নি; গতকাল 229টি কেস রিপোর্ট হয়েছে

যার তুলনায় স্কুল বর্ষের শুরুতে 7-দিনের গড় কেসের সংখ্যা ছিল 832। ওমিক্রন সংক্রমণের শীর্ষ অবস্থার পর থেকে শিশুদের হাসপাতালে ভর্তি হওয়া প্রায় 80 শতাংশ কমে এসেছে।

শীতের মাঝামাঝি সময়ে ছুটির আগে স্কুলগুলোতে শিশুদের বাড়িতে নিয়ে যাওয়ার জন্য 4.8 মিলিয়ন টেস্ট কিট পাঠানো হয়েছিল। শিক্ষার্থীদের স্কুলে ফিরে আসার পরে এই সপ্তাহে তাদের বাড়িতে নিয়ে যাওয়ার জন্য আরো 4.8 মিলিয়ন টেস্ট কিট পাঠানো হবে। স্কুলগুলোতে মোট 20.8 মিলিয়ন টেস্ট কিট বিতরণ করা হয়েছে। গত ছয় সপ্তাহে, স্টেট 261টি #VaxForKids সাইট স্থাপন করেছে, যা বাবা-মা ও অভিভাবকদেরকে তাদের উপযুক্ত সন্তানদের টিকা ও বুস্টার ডোজ প্রদান করতে সাহায্য করার জন্য সরাসরি নিউ ইয়র্কের পরিবারগুলোর কাছে টিকা পৌঁছে দিয়েছে।

**স্টেটের স্বাস্থ্য কমিশনার ড. ম্যারি টি. ব্যাসেট বলেন,** "নিউ ইয়র্কবাসীদের কঠোর পরিশ্রমের সুবাদে আজ আমরা স্কুলগুলোর জন্য স্টেটব্যাপী মাস্ক পরার বাধ্যবাধকতা উঠিয়ে নিতে পারছি। গভর্নর হোকল যেমনটা বলেছেন, নিউ ইয়র্কের সামনে এগিয়ে যাওয়ার এই সময়ে আমরা সতর্ক থাকবো, এবং স্বাস্থ্য বিভাগে (Department of Health) আমাদের টিম ডাটা পর্যবেক্ষণ করা চালিয়ে যাবে এবং বর্জ্যপানির ওপর নজরদারির মতো অগ্রিম সতর্কতামূলক পর্যবেক্ষণ পদ্ধতিগুলো এগিয়ে নিবে। টিকা ও বুস্টার ডোজ গ্রহণের জন্য আমরা অব্যাহতভাবে সব নিউ ইয়র্কবাসীদের প্রতি সর্নির্বন্ধ অনুরোধ জানিয়ে আসছি, এবং আমাদের শ্রেণিকক্ষগুলো সুস্থ ও নিরাপদ রাখার জন্য আমাদের স্কুলগুলো, শিক্ষকদের ও শিক্ষার্থীদের প্রয়োজনীয় সহায়তা পাওয়া নিশ্চিত করতে আমরা শিক্ষা খাতের আমাদের অংশীদারদের সাথে কাজ করে যাবো।"

**স্টেটের শিক্ষা কমিশনার ড. বেটি এ. রোসা বলেন,** "আমি তার নেতৃত্বের জন্য গভর্নরকে ধন্যবাদ জানাই। একসঙ্গে কাজ করার মাধ্যমে শিক্ষার্থীদের ও শিক্ষকদের জন্য আমরা আমাদের স্কুলগুলোকে নিরাপদ রাখার প্রত্যাশা রাখি।"

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবন্ধাইব করুন](#)